

Mohd Amirul Kasyful Nur bin Zulkifli

From: Unit Komunikasi Korporat
Sent: Sunday, November 19, 2017 2:49 PM
To: UUM - All Staff; UUM - All Students
Cc: Staf - Pesara UUM
Subject: 1,400 Peserta Meriahkan TECHERun 2017 – Berjaya Kutip Dana RM117,000



Unit Komunikasi Korporat
CORPORATE COMMUNICATION UNIT
Universiti Utara Malaysia



19 NOVEMBER 2017 / 30 SAFAR 1439H

=====

"UUM : UNIVERSITI PENGURUSAN TERKEMUKA"
(THE EMINENT MANAGEMENT UNIVERSITY)

Oleh: Siti Fatimah Abdullah
Gambar oleh: Hairul Nizam Zahari

1,400 PESERTA MERIAHKAN TECHERun 2017 – BERJAYA KUTIP DANA RM117,000



UUM ONLINE: Sambutan diluar jangkaan apabila 1,400 peserta memeriahkan TISSA-UUM Edu-Charity Nite Run 2017 (TECHERun 2017) yang berlangsung di Pusat Sukan, UUM, malam tadi.

Dua kategori dipertandingkan dalam TECHERun 2017 iaitu Competitive Run dalam jarak 10 km yang melibatkan 300 orang dan Fun Run (5 km) yang terbuka kepada pelajar dan masyarakat luar.

Tan Sri Dato' Paduka Dr. Fng Ah Seng, yang merupakan penaja Platinum TECHERun 2017 berkata, larian amal anjuran Pusat Pengajian Tunku Puteri Intan Safinaz (TISSA-UUM) diadakan bersempena Majlis Konvokesyen Ke-30 UUM untuk mengumpul dana bagi membantu aktiviti dan kebajikan pelajar selain menggalakkan masyarakat mengamalkan gaya hidup sihat.

“Syabas kepada TISSA-UUM kerana berjaya menganjurkan TECHERun 2017 dan saya sentiasa menyokong usaha murni ini.

“Aktiviti sebegini bukan sahaja menyumbang kepada kesihatan tetapi juga memberi peluang untuk kita sama-sama berinteraksi dan menjalin hubungan kerjasama yang erat antara universiti, organisasi dan komuniti,” ucapnya yang juga Pengarah Urusan Epic Valley Holdings Sdn Bhd dan Pengerusi Yayasan Muhibah Tan Sri Fng Ah Seng.

Beliau menyifatkan pertandingan ini satu inisiatif yang baik di samping menjadi contoh teladan kepada pelajar untuk melakukan kerja amal selain komited akan membantu UUM.

“Dengan sambutan yang menggalakkan daripada warga kampus dan masyarakat luar saya berharap program ini akan diteruskan dan menjadi acara tahunan,” katanya sebelum menyempurnakan perasmian larian amal.

Terdahulu, beliau telah menerima Ijazah Kehormat Doktor Falsafah (Tanggungjawab Sosial Korporat) sebagai pengiktirafan kepada sumbangan serta ketokohnya pada Majlis Konvokesyen UUM ke-30.

Sementara itu, Naib Canselor, Prof Dato' Seri Dr. Mohamed Mustafa Ishak berkata, program ini amat menarik kerana aktiviti riadah menyumbang kepada kesihatan.

“Jangan lupa mesej yang tersirat dalam program ini iaitu mengekalkan gaya hidup yang sihat terutamanya di kalangan generasi muda, elakkan penyalahgunaan dadah dan perkara yang merosakkan.

“Senaman ialah makanan dan riadah bagi otak, senaman paling murah, tak perlu keluar perbelanjaan agar sentiasa cergas, dan otak berfungsi secara maksimum kalau kita selalu beriadah,” pesannya. “Acara di luar dugaan apabila 1,400 orang yang mengambil bahagian dan berjaya mengumpul dana sebanyak RM117,000 yang akan digunakan untuk membantu UUM dalam pelbagai aktiviti, meningkatkan kecemerlangan dan pelajar yang memerlukan,” ucapnya.

Acara TECHERun 2017 menyaksikan kejuaraan Muhaizar Mohamad (Lelaki Senior), Vadiveelu (Veteran Lelaki), Teoh Kim Chyi (Wanita Senior) dan Susan Khoo (Veteran Wanita).

Muhaizar Mohamad, yang merupakan pemenang pingat gangsa acara Marathon Sukan SEA 2017, telah mencatat masa larian 34 minit dan 55 saat dan seterusnya menggondol juara keseluruhan larian dan membawa pulang wang tunai berjumlah RM3,000, pingat dan sijil penghargaan.

Kemenangan Susan Khoo, 57 tahun di dalam kategori veteran wanita dengan catatan masa 48 minit 24 saat membuktikan bahawa usia bukan penghalang untuk terus bergiat aktif dalam aktiviti sukan.

Kategori Competitive Run ini menawarkan wang tunai, pingat dan sijil penghargaan kepada 5 pemenang bagi setiap kategori. Pingat juga diberikan kepada kesemua peserta yang berjaya menamatkan larian.

DARIPADA:
UNIT KOMUNIKASI KORPORAT
UNIVERSITI UTARA MALAYSIA
04-928 3048/3049/3052/3061
04-928 3053
ukkuum@uum.edu.my
Universiti Utara Malaysia (Official FB)



Universiti Utara Malaysia Official Website <http://www.uum.edu.my>

Disclaimer: This e-mail (including any attachments) may contain confidential information. If you are not the intended recipient, you are hereby notified that any review, distribution, printing, copying or use of this e-mail is strictly prohibited. If you have received this e-mail in error, please notify the sender or Universiti Utara Malaysia (UUM) immediately and delete the original message. Opinions, conclusions and other information in this e-mail that do not relate to the official business of UUM and/or its group of companies shall be understood as neither given nor endorsed by UUM and UUM accepts no responsibility for the same. All liability arising from or in connection with computer viruses and/or corrupted e-mails is excluded to the fullest extent permitted by law.